

付法藏因緣經

才五

四百卅一
飛五

51009



元祿九年丙子二月日重修

皇圖聖圖 帝階級呂

佛日增輝 懋輪常轉

山城州天安寺法金剛院置



付法藏因緣經卷第五

後魏世沙門吉夏夜共曇曜譯

飛

商那和修臨涅槃時以法付囑憂波鞠多而
作是言昔婆伽婆以無上法囑累尊者摩訶
迦葉欲令衆生執大明炬永離諸苦受涅槃
樂迦葉次付吾師阿難阿難轉復囑累於我
我欲滅度委付於汝汝若於後欲涅槃者摩
突羅國有善男子當出于世名提多迦久修
願行辯才無盡汝當於後度令出家可以法
眼悉囑累之憂波鞠多言唯然受教逮至尊者
憂波鞠多化緣將訖意欲涅槃觀提多迦出
世未也思惟便知猶未出世尔時尊者憂波

毘多將比丘衆往詣其舍漸漸轉少乃至單
已其父長者問言大聖豈無眷屬何以獨行
憂波毘多荅曰長者我出家人無有給侍若
有人者當見垂惠長者復言我樂居家不能
爲道若後生子必相奉給憂波毘多言善哉斯
意當守此心勿令變悔而此長者數生諸子
年皆童稚輒便命歿最後生子名提多迦顏
貌瓊瑋聰明黠慧善能受學諸經論記過去
修行深種善本憂波毘多往從索之長者歡
喜手自付與將至僧坊度令出家年滿二十
爲受具戒初白之時斷見諦結得須陀洹第
一羯磨薄婬怒癡獲斯陀含第二羯磨欲界

結盡得阿那含第三羯磨尋時斷除三界煩惱
建立梵行成阿羅漢三明遠照六通具足
遊步隱顯自在無礙憂波瓠多而告之曰慧
日世尊慈悲普覆欲濟衆生生死大苦以無
量劫所集之法囑累尊者摩訶迦葉作大明
燈照諸癡闇普令一切皆得修學斷絕愛網
出欲淤泥迦葉次付阿難比丘阿難滅度囑
累吾師商那和修商那和修以付於我如是
相續常轉法輪灑甘露味療煩惱渴然我今
者所作已辦涅槃時至滅度不遠以此法寶
持用付汝汝可於後受持頂戴勤加守護無
令漏失演法光明照愚癡闇又提多迦如來

涅槃賢聖隱沒所有一切深經寶藏漸當衰損
墜沒於地世間昏冥流轉生死所以者何在
昔吾師商那和修既滅度後七万七千本生
諸經滿足一万阿毗曇藏凡有八万清淨毗
尼如斯等法皆悉隨滅一人涅槃衆法衰滅
況多賢聖俱皆滅度淨妙勝法永無遺餘是
故我今懇懃付汝汝當至心敬順我意於諸
衆生起大悲想受持流布無令斷絕提多迦
言敬受尊教我當擁護如斯正法為未來世
作不請友於是次宣無上法味其所化度甚
大弘廣緣訖涅槃人天悲感即收舍利起七
寶塔燒香散華種種供養昔提多迦臨滅度

時以法付囑最大弟子名彌遮迦多聞博達
有大辯才而告之曰佛以正法付大迦葉如
是展轉乃至於我我將涅槃用付於汝汝當
於後流布世眼彌遮迦言善哉受教於是宣
流正法寶藏今諸衆生開涅槃道化緣已竟
臨當滅度復以正法次付尊者佛陀難提令
其流布勝甘露味難提於後廣宣分別轉大
法輪摧伏魔怨然後付囑佛陀蜜多其人德
力甚深無量善巧方便化諸衆生令離惡見
趣最勝道以大智慧而自莊嚴演清淨味摧
滅異學如是功德不可窮盡我今隨順說其
少分有大國王摠領天下高才勇猛多聞博

達宗事異學信受邪見於佛法僧恒懷輕毀
佛陀蜜多作是念言吾師難提以法付我我
當云何敷演勝眼令諸衆生普得饒益復作
是念今此國王甚大邪見我宜先往而調伏
之譬如伐樹若傾其本枝葉華莖豈得久立
作是念已於十二年躬持赤幡在王前行經
歷多時王都不問過是已後忽便問之斯是
何人在吾前行尋便召命而問其意荅言大
王我是智人善能談論欲於王前求一試驗
尔時大王即便宣令國內所有諸婆羅門長
者居士聰明博達善於言辭悉可集吾正勝
殿上與一沙門共對議論於是一切邪見外

道辯才深遠智慧博達天文地理靡不綜練
含忿毒心競來雲集時彼大王於正殿上嚴
辦供具羅布茵蓐燒香散華莊麗明淨佛陀
蜜多即昇法座共諸外道建無方論淺智之
者一言即屈其多聰辯再便辭盡王見諸人
理皆窮匱躬與蜜多自共議論始起言端亦
尋摧屈佛陀蜜多即作是念我與王論不應
顯勝而語之言此義深淺王自解了尔時彼
王即知其屈迴改邪心敬信正法受三自歸
為佛弟子於自國土弘宣道化時此國中有
一尼軋邪見熾盛毀謗正法辯慧聰達善能
數筭佛陀蜜多欲化彼故往為弟子就受斯

術不久習學皆悉通了彼尼軋子出大惡聲
罵辱於佛佛陀蜜多語尼軋子莫出斯言令
汝獲罪此報必當墮大地獄尼軋子言汝豈
能知如此之事蜜多荅曰若不見信汝可筭
之既筭已後自當證知時彼尼軋便自推筭
尋見其身必墮地獄即大恐怖深生憂悔向
於蜜多五體投地白言仁者我當云何得免
斯咎佛陀蜜多告曰尼軋如因地倒還扶而
起汝若歸佛此罪可滅尔時尼軋起大信心
以五百偈讚歎如來改悔先罪甚自呵責佛
陀蜜多即告之曰汝以此心善業緣故命終
必得生于天上尼軋復言汝云何知我得生

天蜜多告曰若不見信自筭求實時尼軋子
即便下筭自見己身罪滅生天便大歡喜求
哀出家蜜多荅言今日宜可告汝眷屬然後
乃當相度出家尼軋弟子凡五百人即往其
所而告之曰我見勝理情甚愛樂欲於佛法
出家為道汝等今可隨意所欲更稟明師諮
受勝法時諸弟子咸白師言本相宗仰如大
雲蓋師入勝道意樂相隨時彼尼軋與五百
人至尊者所俱共出家於是尊者佛陀蜜多
美聲流布遍閻浮提其所教化無量衆生緣
盡捨命弟子悲感收聚舍利起塔供養在昔
尊者佛陀蜜多化緣既訖將欲捨壽告一弟

子名脇比丘汝當於後廣敷聖教化諸衆生
今得解脫白言大師敬承尊教我當至心守
護正法彼脇比丘由昔業故在母胎中六十
餘年既生之後鬚髮皓白馱惡五欲不樂居
家往就尊者佛陀蜜多誓首禮足求在道次
即度出家爲說法要譬如鮮淨白蠶易受染
色便於座上得羅漢道三明照徹六通無礙
勤修苦行精進勇猛未曾以脇至地而卧時
人即号爲脇比丘善說法要化諸衆生所作
已訖便入涅槃收集舍利起塔供養彼脇比
丘垂當滅度告一比丘名富那奢長老當知
佛法微妙有大功德是故諸聖頂戴奉持我

受付囑守護斯法今欲涅槃用累於汝汝宜
至心擁護受持時富那奢荅曰唯然於是演
暢微妙勝法其所化度無量衆生後於一時
在閑林下結加趺坐寂然思惟有一大士名
曰馬鳴智慧淵鑒超識絕倫有所難問靡不
摧伏譬如猛風吹拔朽木起大憍慢草芥群
生計實有我甚自貢高聞有尊者名富那奢
智慧深邃多聞博達言諸法空無我無人懷
輕慢心往詣其所而作是言一切世間所有
言論我能毀壞如雹摧草此言若虛而不成
實要當斬舌以謝其屈富那奢言佛法之中
凡有二諦若就世諦假名爲我第一義諦皆

悉空寂如是推求我何可得尔時馬鳴心未
調伏自恃機慧猶謂已勝富那語曰汝諦思
惟無出虛語我今與汝定爲誰勝於是馬鳴
即作是念世諦假名定爲非實第一義諦性
復空寂如斯二諦皆不可得旣無所有云何
可壞我於今者定不及彼便欲斬舌以謝其
屈富那語言我法仁慈不斬汝舌宜當剃髮
爲吾弟子尔時尊者度令出家心猶愧恨欲
捨身命時富那奢得羅漢道入定觀察知其
心念尊者有經先在闍室尋令馬鳴往彼取
之白言大師此室闍冥去何可往告曰但去
當令汝見尔時尊者即以神力遙伸右手徹

入屋內五指放光其明照曜室中所有皆悉
顯現尔時馬鳴心疑是幻凡幻之法知之則
滅而此光明轉更熾盛盡其技術欲滅此光
爲之既疲了無異相知師所爲即便摧伏勤
修苦行更不退轉如是尊者以善方便度諸
衆生所應作已入於涅槃四衆感戀起塔供
養昔富那奢臨涅槃時以法付囑弟子馬鳴
而告之曰譬如闇室然大明炬所有諸物皆
悉照了法之明燈亦復如是流布世間能滅
癡闇是故如來演斯正法普令一切皆悉修
行諸賢聖人常加守護共相委囑乃至於我
我以勝眼持用付汝汝當於後至心受持今

未來世普得饒益馬鳴敬諾當受尊教於是
須宣深奧法藏建大法幢摧滅邪見於華氏
城遊行教化欲度彼城諸衆生故作妙伎樂
名嚩吒啞羅其音清雅哀婉調暢宣說苦空
無我之法所謂有爲如幻如化三界獄縛無
一可樂王位高顯勢力自在無常既至誰得
存者如空中雲須臾散滅是身虛僞猶如芭
蕉爲怨爲賊不可親近如毒蛇篋誰當愛樂
是故諸佛常訶此身如是廣說空無我義今
作樂者演暢斯音時諸伎人不能解了曲調
音節皆悉乖錯尔時馬鳴著白氎衣入衆伎
中自擊鍾鼓調和琴瑟音節哀雅曲調成就

演宣諸法苦空無我時此城中五百王子同
時開悟厭惡五欲出家爲道時華氏王恐其
民人聞此樂音捨離家法國土空曠王業廢
壞即便宣令其土人民自今勿復更作此樂
彼華氏城中凡九億人月支國王威德熾盛
名曰旃檀罽昵吒王志氣雄猛勇健超世所
可討罰無不摧靡即嚴四兵向此國土共相
攻戰然後歸伏即便從索九億金錢時彼國
王即以馬鳴及與佛鉢一慈心雞各當三億
持用奉獻罽昵吒王馬鳴菩薩智慧殊勝佛
鉢功德如來所持雞有慈心不飲垂水悉能
消滅一切怨敵以斯緣故當九億錢王大歡

喜為納受之即迴兵衆還歸本國彼屬昵吒
有大功德被弘誓鎧志願堅固曾以泥團置
於塔上因立誓曰若吾來世千佛數中得成
正覺今此泥團變為佛像作是願已應時尋
成儀相竒特狀若圓畫心大歡喜踊躍無量
王於後時在路遊行見外道塔七寶莊嚴便
大歡喜謂如來塔前禮執首至心恭敬燒香
散華說偈讚曰

具足一切智

斷除欲惱障

衆仙最勝尊

名稱遍三界

解脫離諸有

哀愍群萌類

所說成真諦

能傾邪論幢

是故我今者

頂禮應供尊

說是偈已應時寶塔分散崩落王見驚怖而
作是言我於今者福將欲盡失王位乎何故
我適禮此寶塔而便頽毀有人語言王所禮
者是外道塔以其威德微末甚少不堪受王
福德人禮是故尔耳即發塔下得尼軋屍衆
人歎曰竒哉大王德力深厚禮此邪塔令其
毀壞王之功德比於梵天又罽昵吒曾於一
時命剃鬚師教剃已鬚時剃鬚師在王前立
而作是言我子端正智慧希有唯願大王垂
哀矜愍以女妻之王大瞋恚而語之曰汝是
賤人種姓卑劣去何我女妻汝子乎即便驅
逐令至餘處而自默然不敢復語後更召來

言還如前如是至三王思惟曰今此地下必有伏藏故令斯人敢爲此語即便使人當下發掘尋便大獲種種寶藏王之智慧其事如是又罽昵吒在於一時訪問羣臣諸國土中頗有智人可諮敬不當於今時有一比丘名達摩蜜多智慧深遠功德具足善能通達三昧定相南天竺國有二比丘心意柔和深樂善法素聞尊者坐禪第一即共相將往詣其所於其住處有三重窟今時二人至下窟中見一比丘著弊壞衣形貌醜陋端坐窟前爲僧然火時二比丘問言長老達摩蜜多爲在何處荅言今在最上窟中汝等宜可急往見

之介時二人進至上窟見向比丘已於中坐
時一比丘語其伴曰此老比丘去何乃似向
所見者時伴比丘聰慧機悟即語之曰今此
尊者尚能如是流布名聞豈不能至此處而
坐即前為禮稽首問曰大德威名世間希有
何故自屈為僧然火達摩蜜多告比丘曰子
今當聽我念生死受苦長遠若使頭手可得
然者吾當為僧而盡然之況餘身分及以然
火何足為難吾念往昔五百世中常受狗身
飢窮羸乏唯曾再飽乃於昔時值有一人飲
酒既醉嘔吐委地我於是時食而得足又昔
曾有夫妻二人以器煮糜熟已出外我見無

人至其家內頭入器中食糜得足後欲出頭
了不能得於是夫妻從外還入見食其糜深
生瞋忿即以利刀用剪吾首於五百世受斯
狗身雖二飽滿而失身命以是思惟生死長
久周遍五道受苦無量故吾今者不憚勤勞
躬爲衆僧而自然火時二比丘聞是語已深
觀生死無量過患應時逮得須陀洹道如是
尊者達摩蜜多智見高遠名稱流布王諸群
臣素聞其名咸共白言大王當知罽賓山中
有一比丘名達摩蜜多才慧超倫福德深厚
王宜往彼問訊供養時罽昵吒即便嚴駕前
後圍繞往罽賓山離彼住處五百餘里王自

念言若彼比丘福德淵廣乃能受吾恭敬禮拜設薄福人終不堪也達摩蜜多性好純素著弊壞衣顏容憔悴尊者弟子咸作是言罽昵吒王威名高遠屈駕來此禮覲大師宜自莊嚴著新淨服無令為彼之所輕賤達摩蜜多告弟子曰如來昔日無有教勅若見豪貴則便莊嚴且出家人麁弊是常既得其宜何所改易尔時彼王即便前進稽首恭敬問訊起居達摩蜜多知其心念即便咳唾使王承之尔時昵吒長跪合掌受唾而棄問言我今堪王供不王即摧伏倍生敬信尊者告曰王昔曾於勝道而來今可還從本路而去既聞

是語受教歸國。爾時群臣咸生嫌忿。云何大王本訪勝人。既得見之。都不諮啓。王告臣曰。汝豈能知若斯事耶。我於往昔積修福行。今得爲王才慧超世尊者。令我還修本業。已受訓誨。更何問乎。王於後時至昵吒塔前路。見有五百乞人同聲求哀稱施。如我王聞是已。大施乞人金銀瑠璃象馬田宅。迴還造作種種施會。賑恤貧乏。存慰孤老。正法治世。仁育天下。時有一臣名曰天法。便作是念。云何大王見斯乞人。建立如是功德勝業。即問王言。今王何緣見此乞人。廣爲斯福。爾時大王告天法曰。乞人於我有深利益。以其身形及與。

語言欲見曉悟我昔為王不修福因是故今
者飢寒窮困身體憔悴受諸苦惱王若不能
乞匄貧乏未來之生必當如我飢寒羸劣彼
乞人者其事若此吾悟斯事是以為福天法
白言王今不但位勝天下智慧亦能揔御萬
國時安息王性甚頑暴將統四兵伐罽昵吒
罽昵吒王亦即嚴誠兩陣交戰刀劍繼起罽
昵吒王尋使獲勝殺安息人凡有九億問群
臣曰今我此罪可得滅不諸臣荅言大王殺
戮凡九億人罪既深重去何可滅時罽昵吒
尋置大鑊於七日中煮湯令沸洄涌騰波熾
熱炎盛以一金環置斯湯內顧問羣臣誰巧

方便能得此環時有一臣來應王命便投冷水隨而取之手無傷爛尋獲金環王告臣曰我所爲罪如彼沸湯悔必可滅猶冷水處吾所殺人雖有九億其罪重者唯二人半我當殺時有兩賢信臨被刑戮稱南無佛而我殺之斯罪深重其一人者口言南無未知是佛爲富蘭那我復殺之故名半人今時有一羅漢比丘見罽昵吒造斯惡業欲令彼王恐怖悔過即以神力示其地獄所謂斫刺劍輪解形悲叫哀號苦痛難忍王見是已極大惶怖心自念曰我甚愚癡造此罪業未來必受若斯之苦若吾先知如是惡報正使我身肢節

分解終不起心加害怨賊況於善人生一念
惡亦時馬鳴即語王言王能至心聽我說法
隨順吾教頂戴受持令王此罪不入地獄罽
昵吒言善哉受教於是馬鳴廣爲彼王說清
淨法令其重罪漸得微薄復有一醫名曰遮
勒善解方藥聰敏多聞利智辯才慈和仁愛
罽昵吒王素聞其名每常推覓會遇遮勒白
詣王宮王聞醫至即作是言我今善能調和
身體右脇而卧節量飲食若斯之者何用醫
爲遮勒語言王能如此宜應出家夫爲王者
縱情極欲任放身口今王尚能斂攝防護何
貪斯位久居世間王聞是已自知理屈即召

令入共相慰問醫即語言大王若能信受善
教隨順不逆當令王身色力充足飲食消化
終無病患王曰善哉敬承來教其後不久所
愛夫人自覺有娠滿足十月生一男兒先已
命歿從胎倒出其母苦痛性命危惛從後展
轉生輒如是尔時遮勒入手胎中解其兒衣
然後乃出於是母人安隱全濟醫言大王自
今勿復幸此婦人若近之者必當如本罽昵
吒王姪欲火盛不自裁量更幸斯婦後續生
子如前苦毒時遮勒醫始覺五欲過患根本
便作是念罽昵吒王我躬教誨不受吾言致
斯衆苦當知愛欲甚不可樂敗德喪身莫不

由之壞好名聞汚辱梵行凡夫迷惑不能捨
離智者了之觀如怨賊我今宜應捨斯惡法
隱居林藪坐閑念定於是舜王出家學道高
才邈世淵明博達演諸記論遊化世間復有
一臣名摩皀羅智慧超倫才藝希世白芻昵
吒大王若能隨順臣教必當令王威伏四海
一切宗仰八表歸德宜察臣言無令章露王
曰甚善當如卿言

介時大臣廣集勇將嚴四種兵所向皆伏如
電摧草三海人民咸來臣屬芻昵吒王所乘
之馬於路遊行足自摧屈王語之言我征三
海悉已歸化唯有北海未來降伏若得之者

不復相乘吾事未辦如何便尔尔時群臣聞
王此語咸共議曰罽昵吒王貪虐無道數出
征伐勞役人民不知厭足欲王四海戍備邊
遠親戚分離若斯之苦何時寧息宜可同心
共併除之然後我等乃當快樂因王病瘵以
被鎮之人坐其上須臾氣絕由聽馬鳴說法
緣故生大海中作千頭魚劍輪迴注斬截其
首續復尋生次第更斬如是展轉乃至無量
須臾之間頭滿大海時有羅漢爲僧維那王
即白言今此劍輪聞捷推音即便傳止於其
中間苦痛小息唯願大德垂哀矜愍若鳴捷
推延令長久羅漢愍念爲長打之過七日已

受苦便畢而此寺上因彼王故次第相傳長
打犍椎至於今日猶故如本如是馬鳴以大
行願演甘露味爲罽昵吒王興大饒益其所
度脫無量億人所應作已便捨命行集其舍
利起塔供養馬鳴菩薩臨欲捨命告一比丘
名曰比羅長老當知佛法純淨能除煩惱汝
宜於後流布供養比羅荅言善哉受教從是
已後廣宣正法微妙功德而自莊嚴巧說言
辭智慧淵遠外道邪論無不摧伏於南天竺
興大饒益造無我論足一百偈此論至處莫
不摧靡譬如金剛所擬斯壞臨當滅時便以
法藏付一大士名曰龍樹然後捨命龍樹於

後廣爲衆生流布勝眼以妙功德用自莊嚴
天聰竒悟事不再問建立法幢降伏異道如
是功德不可稱說今當隨順顯其因緣託生
初在南天竺國出梵志種大豪貴家始生之
時在於樹下由龍成道因号龍樹少小聰哲
才學超世本童子時處在襁抱聞諸梵志誦
四韋陀其典淵博有四万偈偈各滿足三十
二字皆即照了達其句味弱冠馳名擅步諸
國天文地理星緯圖讖及餘道術無不綜練
有友三人天姿竒秀相與議曰天下理義開
悟神明開發幽旨增長智慧若斯之事吾等
悉達更以何方而自娛樂復作是言世間唯

有追求好色縱情極欲最是一生上妙快樂
然梵志道勢非自在不爲竒榮斯樂難辦宜
可共求隱身之藥事若得果此願必就咸曰
善哉斯言爲快即至術家求隱身法術師念
曰此四梵志才智高遠生大憍慢草芥群生
今以術故屈辱就我然此人輩研窮博達所
不知者唯此賤法若授其方則永見棄且與
彼藥使不知之藥盡必來師諮可久即便各
授青藥一丸而告之曰汝持此藥以水磨之
用塗眼瞼形當自隱尋受師教各磨此藥龍
樹聞香即便識之分數多少錙銖無失還向
其師具陳斯事此藥滿足有七十種名字兩

數皆如其方師聞驚愕問其所由龍樹荅言
大師當知一切諸藥自有氣分因此知之何
足爲恠師聞其言歎未曾有即作是念若此
人者聞之猶難況我親遇而惜斯術即以其
法具授四人四人依方和合此藥自醫其身
遊行自在即共相將入王後宮宮中美人皆
被侵掠百餘日後懷姙者衆尋往白王庶免
罪咎王聞是已心甚不悅此何不祥爲恠乃
介召諸智臣共謀斯事時有一臣即白王言
凡此之事應有二種一是鬼魅二是方術可
以細土置諸門中令人守衛斷往來者若是
方術其跡自現設是鬼魅入必無跡人可兵

除鬼當呪滅王用其計備法爲之見四人跡
從門而入時防衛者驟以聞王王將勇士凡
數百人揮刀空中斬三人首近王七尺刀所
不至龍樹斂身依王而立於是始悟欲爲苦
本敗德危身污辱梵行即自誓曰我若得脫
免斯厄難當詣沙門受出家法旣入深山至
一佛塔捨離欲愛出家爲道於九十日誦閻
浮提所有經論皆悉通達更求異典都無得
處遂向雪山見一比丘以摩訶衍而授與之
讀誦愛樂恭敬供養雖達實義未獲道證辯
才無盡善能言論外道異學沙門義士咸皆
摧伏請爲師範即便自謂一切智人心生憍

慢甚大貢高便欲往從瞿曇門入
尔時門神告龍樹曰今汝智慧猶如蚊蚋比
於如來非言能辯無異螢火齊輝日月以須
彌山等亭歷子我觀仁者非一切智去何欲
從此門而入聞是語已赧然有愧時有弟子
白龍樹言師恒自謂一切智人今來屈辱爲
佛弟子弟子之法諮承於師諮承不足非一
切智於時龍樹辭窮情屈心自念言世界法
中津途無量佛經雖妙句義未盡我今宜可
更敷演之開悟後學饒益衆生作是念已便
欲爲之立師教戒更造衣服令附佛法而少
不同欲除衆情示不受學選擇良日便欲成

達獨處靜室水精房中大龍菩薩愍其若此
即以神力接入大海至其宮殿開七寶函以
諸方等深奧經典無量妙法授與龍樹九十
日中通解甚多其心深入體得實利龍知心
念而問之言汝今看經爲遍未耶龍樹荅言
汝經無量不可得盡我所讀者足滿十倍過
閻浮提龍王語言忉利天上釋提桓因所有
經典倍過此宮百千万倍諸處此比不可稱數
尔時龍樹既得諸經豁然通達善解一相深
入無生法忍具足龍知悟道還送出宮時南
天竺王甚邪見承事外道毀謗正法龍樹菩
薩爲化彼故躬持赤幡在王前行經歷七年

王始恠問汝是何人在吾前行荅曰我是一切智人王聞是已甚大驚愕而問之言一切智人甚爲希有汝自言是何以取驗龍樹荅曰王欲知者宜當見問旣說之後乃可證知王聞是語便作是念我爲智主大論議師問之能屈未足爲竒旣不如彼所損甚多默然無言亦復非理如是思惟良久不決事旣窮迫俛仰問之諸天今者爲何所作荅言大王天今正與阿脩羅戰王旣聞已譬如人噎旣不得吐又不得咽設非其言無以爲證欲納彼說事又難明龍樹復言此非虛論王且待之須臾當驗語訖空中刀劒飛下長戟短兵

相繼而落王復語言干戈矛稍雖爲戰器何必是天阿脩羅也龍樹荅曰雖若虛言當驗以實作是語已脩羅耳鼻從空而下王始驚悟稽首爲禮恭敬尊重受其道化今時殿上万婆羅門見其神德歎未曾有剃除鬚髮而就出家時諸外道聞是事已悉來雲集含怒懷嫉求競言辯於是龍樹以大智慧方便言詞與諸外道廣共論議其愚短者一言便屈小有聰慧極至二日詞理俱盡皆悉降伏剃除鬚髮就其出家如是所度無量邪道王家常送十車衣鉢終竟一月皆悉都盡如是展轉乃至無數廣開分別摩訶衍義造優波提

舍十有万偈莊嚴佛道大慈方便如是等論
各五千偈令摩訶衍光宣於世造無畏論滿
十万偈中論出於無畏部中凡五百偈其所
敷演義味深遠摧伏一切外道勝幢時天竺
國有婆羅門邪見熾盛善知呪術欲以已能
競名龍樹白彼王言唯願大王垂哀聽我與
此沙門諍誦道力若彼勝我我當屬之我若
勝彼當見屬我王言大德汝甚愚癡此菩薩
者明同日月智齊衆聖汝今庸劣豈可爲比
欲以藕絲懸須弥山牛跡之水等量大海我
今觀仁亦復如是幸自思惟無虧高德婆羅
門言王爲智人一切瞻仰猶如日月莫不觀

察吾言虛實宜以理驗大王云何逆見凌懾
尔時彼王見其至意嚴駕往請龍樹菩薩清
旦俱集正德殿上時婆羅門即以呪力化作
大池廣長清淨池中出生千葉蓮華自坐其
上語龍樹曰汝處於地類同畜生我居華上
智慧清淨寧敢與吾抗言議論尔時龍樹復
以呪力化爲白象象有六牙金銀交珞徐行
詣池趣其華座以鼻絞拔高舉擲地時婆羅
門傷背委困即便摧伏歸命龍樹我甚頑嚚
犯逆大師唯願愍哀聽吾悔過龍樹慈矜度
令出家是時有一小乘法師見其高明常懷
忿嫉龍樹菩薩所作已辦將去此土問法師

言汝今樂我久任世不答曰仁者實不願也
即入閑室經日不現弟子咸恠破戶看之遂
見其師蟬蛻而去天竺諸國並為立廟種種
供養敬事如佛

付法藏因緣經卷第五

飛

傀偉

上古回
下羽鬼

黠慧

上開
八反

靡

緬彼

綜練

上子
宋反

茵蓐

二字音
因辱

窮匱

下求
位反

筴

筴字

皓白

上胡
道反

深邃

反

下私
遂反

嘔

音
賴

吒

竹家
反

和

和字

哀婉

下阮

紆

篋

苦帖
反

芻

昵

上居例反
下尼日反

怨敵

上音
徒的

寃

下寃

鎧

苦改
反

頽

反

毀

上徒
回反

女妻

下七
細反

發掘

下求
勿反

咳唾

上苦
愛反

危

下知
劣反

拯恤

上蒸
下思

律

上聲
反

金環

下音
還

危

下知
劣反

憊

下知
劣反

林藪下音邈亡卓貪虐下魚却戍詩注襁抱

兩上居及瘡魚却弱冠貫下音星緯詔下音圖識下楚

錨銖上側茲及下音殊侵掠略下音衍演音師範下音蚊

蚩上音莫庾及下赧然板上及女豁然活上呼噎於結

咽於見戟居逆于戈下古矛稍上莫侯及凌

懣上音莫結及陵下絞拔上古頑下音銀下音蟬蛻下音稅又

及他步

